

حکایت زیکو

وحید محمد



mando



لتحويلك إلى الجروب أضغط هنا



لتحويلك إلى الموقع أضغط هنا

للمزيد من الروايات والكتب الحصرية
انضموا لجروب ساحر الكتب

sa7eralkutub.com

او زيارة موقعنا



اهداء.

إلى جميع اعضاء جروب ساحر الكتب pdf

دون ذكر أسماء حتى لا أنسي أحد وإلى جميع
أصدقائي المشاركين معي في كتاب سيكولوجية
المجانين.

اللي هتقرأوه في الحكاية دي مفهوش أي شيء مهم
على الاطلاق سوى رسم البسمة على وجهوكم

غلاف المبدع / mohamed mandoredsea

* حكايات زيكو *



مرحباً انا زكي ده اسمي مش صفه خالص، وانا
مش غبي انا بس بشوف ان الحاجة اللي انا عملتها
دي هي الحاجة الصح، متجوز واحد بنت حلال
وعندي ولد زي كدا اسمه سيد، مش أطول عليكم انا
جي انهارده احكي حكايتي في الطياران اللي استأهل
عليها أعظم طيار بس للأسف طردوني من قبل ما
بقي طيار أصلاً، متعللين ببعض التفاهات اللي
عملتها، يالا بينا نبدأ رحلتنا ونشوف حكايتي بدأت
ازاي وانتهت ازاي



١- في المطار

(عامل المطار) انت مسافر فين يا استاذ

(زيكو) انا

-اه انت مسافر فين

-السعودية

-طب الحق بسرعة الطائرة قربت تتحرك

-من غيري

-هو ايه اللي من غيرك يا استاذ

-الطيارة هتتحرك من غيري

-اكيد هي هتستناك

-طب خليها تعملها كدا وانا هرجعها تاني

-ترجع ايه يا استاذ هي عجله

-ما هي مش سايبية يسبونني ويمشوا



- ما انا بقولك روح عشان قربت تتحرك

- ههههه طب شايف دي

- اه التذكرة

- انا اللي حاجزها لو مشوا وسبوني أتبقي ناقصه نفر

- لاوي دراعهم انا صح

- نفر ايه يا أستاذ خليك انت قاعد هنا لحد الطيارة ما تفوتك

- انا تعبت معاك الصراحة يخربيت اللي ربط الجحش وسابك

- انت اسمك ايه

- غالي

- بكام يعني

- هو ايه اللي بكام

- اسمك مش انت بتقول غالي

- اه اسمي غالي

- اه بكام بقا

- ياعم ارحمني وروح اركب الطيارة بقا متخنفنيش



٢- داخل الطائرة

حضرت المضيضة

-أؤمرني يافندم

-لا قوليلي يا زيكو

-احم أؤمرني يا زيكو

-طلعة من بوقك زي السكر بقولك هي الطائرة دي رايعه فين

-حضرتك راكب الطائرة ومش عارف هي رايعه فين

-زيكووو قوليلي زيكووو بلاش حضرتك دي عشان بتشائم منها...بيني
وبينك انا بنسي بسرعه انا رايع السعودية

-انت ف الطائرة الصبح يا زيكو

-طب بقولك انتي مسافره فين ف السعودية

-لا انا مش مسافره انا ارجع ف الطائرة تاني

-والله طب انا اديكي رقمي اول ما نوصل رني عليا أحسن انام ولا حاجه
وتنسوني ف الطائرة دي



- مينفعش يا فندم نام وانا هاجي اصحيك بنفسي
-طب هاتي انتي رقمك أرن عليكي أحسن تنامي ومتجيش تصحيني

-انت خنقتني يا فندم

-زيكوووو قوليلي زيكوووو

- (صوت يخرج من ميكروفون الطائرة) على السادة الركاب ربط
الأحزمة سوف نهبط بسبب حدوث عطل ف الطائرة

-اللهم صلي علي النبي أنهبط يعني اول مره اسافر فيها يحصل عطل
يا بركة دعاكي يا ماما هو الحزام ده مش راضي يتربط ليه اسأل الراجل
اللي جنبني ده

-السلام عليكم

-عليكم السلام اخي

-هو انت الطيار

-انا مو الطيار اخي انا راكب

-مين مو دي هاللا

-حضرتك انا مش الطيار

-زيكوووو قللي زيكو



-طب هو الطيار فين

-الطيار في مكانه لكي يتحكم ف الطائرة

-طب معاك رقمه أصل الحزام مش راضي يتربط

-لا اخي مو معي رقمه اسكت بقا...

-مو ثاني مين مو دي ياشقي.

-طب هيا الطائرة أتهبط بينا ليه

-يا اخي انت لسه سامع الطيار بيقول بسبب عطل.
حضرتك خنقتني

-ايه ده يا ساتر ياررب الطائرة بتتهز ليه كداااا

-واضح اننا بنتقلب اخي

-نقلب لاااااا وام سيد اسيبها لمين لااااا



٣- بعد ما الطيارة وقعت

-يا استاذ يا استاذ

-صباح الخير

-خير ايه بس الطيارة وقعت

-بجد

-انت فرحان

-لا مش فرحان يا حضرت المضيضة بس انا مبسوط أنى هشوفك كذا
يوم اهو حاجه احلي من ام سيد

-يا عم ارحمني احنا في ايه ولا في ايه دلوقت

-ولا يهملك متزعلش نفسك لو مش هتلاقي شغل بعد ما الطيارة وقعت انا
هشتري طيارة واكتبها باسمك ونسوقها احنا الاثنين

-يا فندم اسكت شوية لازم تنزل من الطيارة

-انتى أتجننتى ف مخك ولا ايه هو انا سوبر مان هنزل من الطيارة واحنا
في الجو ازاي

-يا فندم الطيارة وقعت

-خلاص مصدقك انتى هتنزلي معانا

-اه هنزل بس لما الركاب كلهم ينزلوا



-طب هاتي رقمك عشان أرن عليكى لما الركاب ينزلوا

-اسكت بقا يا اخي خنقتني انزل انت وملكش دعوه بيا

-طب اصبري أصحي الراجل اللي جنبى ده

-يا استاذ يا استاذ

-ايه يا اخي وين احنا

-مش الطيارة وقعت

-ماذا تقول انت

-وربنا الطيارة وقعت

-(المضيفة) اسكت لو سمحت انت قاعد تخوف الركاب ليه اتفضل
حضرتك انزل وملكش دعوه بالركاب خالص

-طب قوليلي هي الطيارة انكسرت كلها

- لا الحمد لله الطيارة نزل بيها بسلام فيها بس أجزاء بسيطة بايظه
وهنصلحها

-ايه هتصلحوا الطيارة يااااه فرصتي



٤-تصليح الطيارة

-لو سمحتو اي شخص له خلفية في تصليح الطيارات ياريت يجي يساعد الكابتن

-انا يا حضرت المضيعة

-بلاش انت والنبى يا استاذ ريكو انت

-زيكوووو اسمي زيكووو وانا اللي أساعد الكابتن بس خلص الكلام
- ربنا يستر

* بعد شويه*

-ازيك يا حضرت القبطان

-قبطان ايه حضرتك شيفني سايق سفينة حضرتك بتفهم في الطيارات

-انا أحسن واحد يفهم في الطيارات. ربنا اخذ مني كل حاجة واداني ذكائي
في تصليح الطيارات

-اتفضل صلحها



- انت بس تقولي تتصلح ازاي وانا أصلحها على طول

-ما انا لو عارف هي تتصلح ازاي هجيبك انت ليه اصلا

- اه صح خلاص انا اساعدك واي حاجه تحتاجها أجبهالك واول ما تعرف هي تتصلح ازاي تقولي انا من ٥ سنين كنت ميكانيكي عجل قد الدنيا

-يادي الليلة السوداء عجل ايه بس دي طياره بص انت تقعد جنبني الحاجة اللي احتاجها تجبها لي

-طب هاتي رقم المضيضة

-رقم المضيضة ليه

-عشان لو احتاجنا حاجه من محافظه تانية تروح هي تجبها

-يا عم متخلنيش هتغابي عليك اسكت بقا

-حاضر

-زيكوو هات ال hammer

-وانا اجبلك الترو سيكل الهمر ده منين ان شاء الله

-ترو سيكل ايه يا اخي بس حرام عليك كفاية بقا، همر يعني شاكوش مش عارفه، بقولك ايه امشي من هنا عشان انا اتخنقت منك

-خلاص ياعم طالع هروح اقعد مع صديقي الالمانى...



٥- حوار

-صديقي الالمانى عامل ايه

-يا أخى انا مو المانى انا سعودي

-لا المانى انت أتعرف اكتر منى

-يا أخى فى ألمانى يتكلم عربى مثلى

-عادي انا مصري ممكن اتكلم المانى بيبقى اكيد فى المانى بيتكلم عربى
زيك

-يا اخى ارحمنى روح تحدث مع المضيفة اتركني

-المضيفة بتتخنى منى

-انا بتخنى اكتر منها لماذا لم تصلح الطائرة

-القبطان عبيط ياعم قاعد يقول هات الهمر ومش عارف ايه حسيت انه
بيتكلم اسباني وانا مش فاهم منه حاجه خالص حببت اقترح عليه ازاي
يعدل الطائرة مش راضى يسمع الكلام

-شو اقترحت عليه اخى



-مفيش قولتله ممكن العطل يكون في جناح الطائرة الأيمن، قولتله رجع الجناح لوراء شويه بحيث يعمل دوامة رياح مع الجناح الايسر والطيارة تطير بسرعة مرضيش

-يا اخي انت واعي للي بتقوله ده

-دانا متأكد انا شايل جناح طيارة قبل كدا

- الطائرة طارت مره اخري

-لا هطير ازي من غير جناح...سيبك من الجناح لما لقيته متمسك اوي بالجناح وخايف عليه قولتله شيل العجل يمكن يكون متقل الطائرة

-يا أخي انت عبيط

- لا زيكوووو

-(المضيفه) زيكوووو يا استاذ زيكوووو

-ايه ده حضرت المضيفه بتنادي عليا بنفسها ايه أتديني رقمك...



٦- طلب المضيفة

-ايه ده حضرت المضيفة بتنادي عليا بنفسها ايه أتديني رقمك

-يا اخي رقم ايه دلوقت متخفنيش

-طب عايزة ايه

-كنت هقولك ان في فريق صيانة جي يصلح الطائرة وفي دولة جنبنا
هنا والمطار قريب بعد الطائرة ما تتصلح هنرجع مصر ثاني عشان
نكمل صيانة الطائرة

-يعني مش هنروح السعودي طب ليه

-انت ما بتفهمش عربي مش لسه بقول عشان نكمل الصيانة

-اه معلش أصل دماغي بتقلت كدا المطلوب مني ايه بقا في ام الحوار
الزفت ده

-انت تقعد مع الركاب وتتكلم معاهم وتهديهم انا شايفه أنك حد لطيف
وخفيف وأهبل

-انتي بتعكسيني ولا ايه



-لا مش بعاكس

-أصل محدش قالي أهبل قبل كدا قولت اكيد بتعكسيني وكدا

-ياعم اسمع انت تروح تقعد مع الركاب، زيكووو انا معتمده عليك اقعد
معاهم وكلمهم وطمنهم

٧-حديث مع الركاب

-(زيكو) ازيكوا يا حضرات الركاب تعرفوا ان الطيارة وقعت بينا
واحنا دلوقت هنتشرد ف الشوارع ونبيع مناديل ومخدرات و...

-(المضيفة) ايه خيالك الاوفر ده انا بقولك تهديهم مش تخوفهم ومناديل ايه
ومخدرات ايه ارحمني بقا

-خلاص خلاص أهديهم ازيكوا يا حضرات الركاب تعرفوا
جيش الاسبرطيون الجيش ده كان كل ما يتولد مولود ذكر يأخذوا
باليل ويسبوا تحت تمثال عندهم ويجوا بالنهار لو لقوه صاحي يبقي
ده فارس شجاع...

-أحد الركاب: طب لو مش صاحي

-زيكووو: يبقي راحت عليه نومة



٨- رحلة العودة بعد اصلاح الطائرة

-حضرات السادة الركاب لقد تم إصلاح الطائرة وسوف نرجع مصر مره
اخرى نعتذر لما حدث

-عجبك كدا يا صديقي الالمانى يرجعوننا مصر تانى

-لا اخى مو عجبني بس هذا الافضل لنا أحسن نسقط مره اخرى

-انا سقط مرتين بس فى حياتي

-اخى انتى سقطت من قبل من طائرة

-لا يا عم طائرة ايه تف من بوقك انا سقت من على البسكاته
وانا صغير ساعتها جالى ارتجاج فى المخ بس الحمد لله عدت
على خير

-اه اخى واضح انها عدت على خير

-انا نفسى اسألك سؤال من ساعة ما ركبت معاك

-نعم اخى اتفضل اسأل

-انت سايب الطيار قاعد لوحده ليه

-وانا اقعد مع الطيار ليه اخى



-هو انت مش صاحبه

-يا اخي ولا اعرف امه انت دماغك دي فيها ايه اموت واعرف

-وبعد ما تموت أتعرف ازاي

-ارحمني ارحمني

-خلاص اسف أنى ضايقتك سؤال اخير بس نفسي اعرف
مين مو دي

-اسكت اخي اسكت

-(المضيضة)حضرتك ممكن تربط الحزام

-حضرت المضيضة اه طبعاً بس انا مش بعرف والراجل ده مش راضي
يتصل بالطيار عشان يجي يربط هولي

-او عي انا اربط هولا، اهوو اتربط

-حضرت المضيضة ممكن اسالك سؤال

-مش هديك رقمي ارتاح بقا

-لا مش عايز الرقم انا كنت عايز افتح شباك الطائرة

-تفتح الشباك ليه

-عشان اعمل باي لسيد ابني



-ياعم ارحمني هو سيد هيشوف الباي باي بتاعتك دي ازاي، كان يوم
اسود يوم ما اشتغلت مضيفه وعلى فكره ممنوع فتح الشباك انا بحظرك
بس كدا وبعدين انت راجع لسيد وام سيد اهو

-يا حضرت المضيفة يا حضرت المضيفة اسمعيني طيب

-بقولك اخي دوس على الزر ده وهي هتيجي

-هتيجي منين من الزر ده ازاي

-اسكت اخي انا غلطان أنى بسعدك

-خلاص ياعم هو انا كل ما أكلم حد يقول اسكت ماشي انا اشتغل طيار
ولن ارحم أحد وهاخد رقم المضيفة

٩-مكتب استخراج الرخص

-السلام عليكم

-عليكم السلام أوامرني حضرتك

-زيكوو قولي زيكو

-أوامرني يا استاذ زيكو

-انا عايز اعمل رخصه



-بس كدا ما تقول من الصبح عايز الرخصة دي ل ايه عربيه ولا
لحاجه تانية

-لحاجه تانية

-موتوسيكل يعني

-لا لحاجه تانية

-متقول يا استاذ عايز رخصه ل ايه انت جاي تهزر

-خلاص ياعم بالراحة عايز رخصة لطياره

-امشي اطلع برا

-ليه ياعم من حقي

-انت بتعرف تسوق طياره اصلا

-ههه دي لعبتي انت تفتكرها صعبه زي العربية بالضبط هندوس بنزين
وتجيب الاول وتمسك الدركسيون كويس عشان ميجريش منك بس
الاختلاف ان الطيارة بطير والعربيه بتمشي

-ياعم اطلع برا الله يرضي عليك انا مش فايقاك

-مش فيقلي ليه

-ياعم اطلع برا



-لو سمحت متعصبينيش وقولي اطلع ليه...

-ياعم اطلع برا طيارة ايه اللي بتتساق زي العربية وبعدين انت ركبت طيارة قبل كدا

-طبعا ووقعت

-اهو شفت يعني انت نحس وجاي تقولي عايز رخصة طياره ومن الاخر رخصة الطيارة مش من هنا ولازم تكون متعلم الطياران الاول يعني تروح تقدم في مدرسه الطياران لا مدرسه ايه انت تقدم في حضانه الطياران عشان غبائك ده...

-من بكرة ان شاء الله هشوف الحضانه دي فين وأقدم فيها...



١٠- مدرسة الطياران

-السلام عليكم

-و عليكم السلام ورحمة الله وبركاته

-مش دي مدرسة تعليم الطياران

-ايوه حضرتك أوامرني

-طب انا عايز أتعلم الطياران

-أفضل حضرتك اكتب بياناتك

-طب هو فين اليوني فورم

-اكتب بياناتك الاول وبعد كدا نشوف موضوع اليوني فورم ده

-طب هو شكله زي بتاع سوبر مان كدا ولا ايه.... لو زيه انا عايز
الفوطه اللي بيربطها ف رقبتة دي عايز لونها ازرق

-يا استاذ فوطه ايه وسوبر مان ايه اكتب البيانات وأفضل في المدرج
عشان تتعلم

-هو باتمان معانا في الدرس ده



-حضرتك متحنقنيش بقا

-زيكو قولي زيكو وأتفضل البيانات اهي

-هات اصبر عشان اراجع البيانات.... ايه ده يا استاذ اللي انت كاتبه
ده، المهنة سوبر مان القادم ايه هو ده انت مجنون

-انا اسف بس قولت هفجأك بس

-أفضل يا استاذ ف القاعة، ولو سمحت متبقاش تفاجئني ثاني

-حاضر يا باشا.

١١-قاعة المحاضرة

-(زيكو) السلام عليكم

-(الدكتور) استني انت رايح فين

21

-انا معاكوا في المدرسة ودي اول حصة ليا يا استاذ

-مبدئيا كدا انا دكتور ودي اسمها محاضرة ولما تدخل تدق على الباب
الاول انت مش داخل زربية وتاني مرة مش أتدخل بعدي

-خلاص استناني برا لحد ما ادخل



-متعصبينش، اسمك ايه

-زيكوو ان شاء الله

-اتفضل يا استاذ زيكو

-(الدكتور) هنعرف في المحاضرة دي ثلاث حاجات مهمة جدا عشان نتعلم كيف تقود الطائرة والمحاضرة اللي بعدها هنتعلم عملي على الطائرة....

-اتفضل يا استاذ زيكو عايز حاجه

-اه سؤال مهم حضرتك اخدت الغياب ولا لسه

-يا استاذ غياب ايه احنا في ابتدائي

-(الدكتور) اول حاجة لازم يكون عندنا ذكاء، عايز ايه يا زيكو

-كنت عايز أكد على كلام حضرتك وأقول ان اهم حاجه الذكاء واللي شايف نفسه مش ذكي يروحوا يا جماعة عشان ما تتعبوناش في اسئلتكو

-اسكت بقا ياعم انت مين الحمار اللي دخلك هنا اسكت بقا واقعد ساكت

-انا اسف يا استاذ

-تاني حاجه الملاحظة والانتباه تالت حاجه تتصرف بذكاء في المواقف الصعبة زي مثلا لو الطائرة وقعت هيحصل ايه.

-(زيكو) هنموت



يا اخي اسكت بقاء شكر اااا اتفضلوا انا اتخنقت

(بعد التدريب المستمر داخل مدرسة الطيران)

١٢-قرار غبي

-الو....

-ايوه الووو....

-الاستاذ زيكو معايا

-ايوه انا الاستاذ زيكو معايا

-طب حضرتك كنت مقدم في مدرسة تعليم الطياران....
وحضرتك نجحت في الاختبارات و....

-ايه نجحت في الاختبارات.... بتتكلمي بجد يا أبله

-اسمعني طيب يا استاذ...للآخر

-عارف اللي هتقوليه.... خلاص انا بقيت طيار اخيرا...حلمي اتحقق
واخذ رقم المضيفة...كان عندي شك
1% أنى انجح.... بس الحمد لله...المدرسة طلعت نزيها واختارت
الراجل الصح في المكان الصح...
-يا استاذ اسمعني الاول طيب....



-عارف اللي هتقوليه...خلاص هسوق الطيارة...واخذ رقم المضيفة...احمدك واشكرك ياااارب.....خلا.....

-يا استاذ متترفض نيش بقا واسمعني الله....

-اسف اسف يا أبله معلش فرحت النجاح بقا وكدا

-اولا انا مش أبله....ثا..

-او مال ايه استاذه...

-يا عم اسمع بقا. حضرتك هتيجي بكرا عشان أتطير.... ماشي

-طب هجيب معايا براشوت عشان الطيارة لما توقع ولا ايه...

-يا استاذ تف من بوقك وبلاش قر..

-اهو تقيت بس زي ما بقولك كدا احتمال كبير توقع...بصي انا معنديش شك 1% انها متوقعش...

-حضرتك تعال بس وتوقع توقع...على الاقل أخلص من قرفك...ده انا مش عارفة انت نجحت ازاي....

-نجحت بمجهود...وسهر الليالي...يا أبله سلام عشان اجهز الباراشوت



١٣- الرحلة الأولى

-استاذ زيكووو حضرتك اتآخرت ليه كدا

-معليش كنت بعمل شوية سندوتشات لزوم السفر بقا وكدا

-يا عم سندوتشات ايه هو انت رايح الصحراء...المهم تكون عارف
وظيفتك في الطيارة انت مساعد طيار مش عايزة اي اخطاء وان شاء الله
بعد ما تعمل كام رحله هتكون طيار بس تتعلم الاول كويس

-متقلقيش يا استاذ انا عارف كل حاجه أبهرك بإذن الله وخليكي فاكراه
أنك اختارتي الراجل الصبح في المكان الصبح....

داخل غرفة القيادة

-اهلا يا استاذ قبطان، انا المساعد

-عارف...

-انا اللي أساعدك في الطيارة

-عارف...

-انا ال....



-ما خلاص بقا واقعد ساكت عرفت أنك الزفت المساعد.... انت اصلا موجود هنا غصب عني.... انا صليت صلاة استخاره الصبح إذا كنت اطلع ام الرحلة دي ولا لا بسببك.... وقاعد اقراء قران انها تعدي علي خير....

-والله.... طب معلش.... يالا شغل اي اغنيه بقا نسمعها

-اسكت...خالص مش عايز اسمع صوتك

-3.2.1 اهلا وسهلا بالساده الركاب معاكوا الاستاذ زيكو مساعد الطيار.... برجاء ربط الأحزمة عشان الإقلاع...وبجوار كل واحد يوجد براشوت...ارتدوا عشان لما نقع ان شاء الله...

-انت بتقول ايه اسكت

-اسف...انا قولت اتكلم مع الركاب شويه بس

-وانت كدا بتتكلم انت بترعبهم

-اسف يا حضرت القبطان...ممكن هقول كلمه اخيره بس في الميكروفون ده بس

-قول وخلص عشان انا تعبت منك

-3.2.1 والنبي يا جماعه اللي يشوف المضيفة بيعتها على مقصورة القيادة عشان عايزها ف موضوع مهم...

-يا عم اسكت بقا متعصبينش اسكت



١٤- قرار نهائي (الأخيرة)

اقتحم كابتن الطائرة...غرفة المديرية وهو يمسك زيكووو من قميصه...انتفضت المديرية من مكانها عندما رأيت المنظر.... تحدث الكابتن.

-الكائن ده لازم يمشي من هنا سعادة المديرية... اجابت المديرية سريعا....

-ليه بس يا كابتن محمد عمل ايه

-قولي معملش ايه حضرتك...ده جنني ده خلاني امشي أكلم نفسي سعادتك.... دانا بخاف اركب الطائرة اللي هو فيها...والنبي ماشية من هنا...انا بقيت اخاف منه...

-قاطعه زيكووو.... كدااااب سعادتك

-رفعت المديرية يديها في وجه زيكو ليتوقف.... ثم قالت قولي يا محمد هو عمل ايه بالضبط

-تكلم الكابتن...سعادتك احنا راكبين الطائرة عادي...ودي اول رحله يطلع معايا فيها...واحنا في الجو لا قيته ماسك في شباك الطائرة وعازيز يفتحها....

-ردت المديرية سريعا موجه كلامها لزيكووو... يابن المجنونة...كنت عازيز تفتح. الشباك ليه يا زيكووو

-مفيش سعادتك...احنا راكبين الطائرة في الجو زي ما محمد بيه قالك... وكله تمام فجاه لا قيت سحابة...قدام إزاز الطائرة الامامي وانا مش شايف قدامي سعادتك...ف شغلت دماغي وقولت لازم اشيلها أحسن نخطب في



طيارة ولا حاجه.... رocht ماسك في الشباك ولسه أفتح لاقيت الاستاذ محمد بيه بيشدني...ويقولي هتموتنا...الله يخر بيتك...وانا ربنا عالم انا كان في نيتي ايه...

-تكرم الكابتن محمد...شفتي سعادتك ده مش لازم يقعد دقيقه تاني هنا... الطيارة كانت هتوقع والله وربنا كانت هتوقع انا شوفت الموت ب عنيا والله...وده كله كووم واللي حصل بعد كذا كووم تاني...فجاه لاقيته طلع من غرفة القيادة ورجعلي بعد نص ساعة...وهو جايب معاه شنطة موبايلات خدها من الركاب....

-ردت المديره الله يخر بيتك انت شغال طيار والا شغال ايه يخر بيتك اخدت من الركاب الموبايلات ليه....

-انا هقولك بصراحة.... انا اخيرا اخدت رقم المضيفه بعد عناه طويل والله...بس ربنا كرمني في الاخر وجبته...من موبايل مضيفه صاحبته...وجيت هرن عليه لاقيت موبايلي ما فيهوش شبكه طلبت...من القبطان محمد بيه موبايله مرضيش يد هولي...

-ردت المديره سريعا مرضيش تديله الموبايل ليه يا محمد....

-رد محمد وهو متعصب...سعاتك حرام عليكي انا ألقها منك ولا منه هو في شبكه في الجو مش المفروض يكون الموبايل في وضع الطيران...مش ده اللي اتعلمناه في الزفت مدرسة الطيران... حرام كذا انا فيا اللي مكفيني...انا عندي السكر بالراحة عليا مش كذا....

-ردت المديره...اه صحيح...بس برضو انت اخدت موبايلات الركاب ليه...يا زيكووو

-لما محمد بيه مرضيش يديني موبايله رocht اخدت موبايلات الركاب وحولت اتصل بالمضيفه...بس برضو مفيش شبكه...

-ردت المديره خلاص خلاص حصل خير

-رد الكابتن محمد لا سعادتك محصلش خير...بعد موضوع الموبايلات ده طلع تاني عند الركاب وعامل فيها مصطفى قمر وقاعد يغني وخربها مع



الركاب...الطيارة كانت هتوقع ساعاتك وربنا كانت هتوقع...انا شوفت الموت بعنيا والله...

-رد زيكووو...الحق عليا كنت عايز هفرش الركاب كدااا
-ردت المديره حاسمه امرها...بس خلاص كفاية كلام...روح انت يا محمد بدل هدمك...اللي غرقانه ماية دي...
-دي من الخوف والله سعادتك الطيارة كانت هتوقع والله كانت هتوقع...

-جلست المديره...امام زيكوووو قائله...بص يا زيكوووو...انا اتعمدت اخليك تطلع في رحلة الطياران دي...عشان تعرف ان مش اي حد ينفع يشتغل اي حاجه...كلنا عايزين نشتغل ونجيب فلوس ومش عارفين إذا كانت المهنة دي هنعرف نشتغلها ولا لا...عشان كدا أحب هقولك...يمكن انت تكون فشلت في أنك تكون طيار عشان ده مكنش هدفك...كل هدفك كان رقم المضيفة بس...أحب هقولك دور على الموهبة اللي فيك...وانت هتنفع فيها يا زيكوووو...وربنا يوفقك
-كلامك أثر فيا أووي سعادتك... وانا عرفت موهبتي ايه هي ونفذاها من بكرا هشوف وشك بخير...

تمت

نلقاكم في الجزء الثاني من حكايات زيكو